



Sud Bosne i Hercegovine
Суд Босна и Херцеговина

Predmet broj: S1 2 K 019526 15 K

Datum objavljivanja: 26.08.2015. godine

Datum pismenog otpravka: 02.09.2015. godine

Pred vijećem u sastavu: sudija Tatjana Kosović, predsjednik vijeća
sudija Branko Perić, član vijeća
sudija Hasija Mašović, član vijeća

PREDMET TUŽILAŠTVA BOSNE I HERCEGOVINE
protiv
Hakije Mehovića

PRESUDA

Tužilac Tužilaštva Bosne i Hercegovine:

Dijana Kajmaković

Branilac optuženog Hakije Mehovića:

Senad Kreho, advokat iz Sarajeva

Broj: S1 2 K 019526 15 K

Sarajevo, 26.08.2015. godine

U IME BOSNE I HERCEGOVINE!

Sud Bosne i Hercegovine, u vijeću sastavljenom od sudija Tatjane Kosović, kao predsjednika vijeća, i sudija Branka Perića i Hasije Mašović, kao članova vijeća, uz učešće pravnog savjetnika-asistenta Jelene Simić-Skoko, u svojstvu zapisničara, u krivičnom predmetu protiv optuženog Hakije Mehovića, zbog krivičnog djela organizovani kriminal iz člana 250. stav 2. Krivičnog zakona Bosne i Hercegovine (KZ BiH), u vezi sa krivičnim djelom neovlašteni promet opojnim drogama iz člana 195. stav 1. KZ BiH, povodom optužnice Tužilaštva BiH broj: T20 0 KTO 0008636 14 od 05.05.2015. godine, potvrđene dana 07.05.2015. godine, nakon održanog ročišta za razmatranje sporazuma o priznanju krivice i pretresa za izricanje krivičnopravne sankcije, u prisustvu tužioca Tužilaštva BiH, optuženog Hakije Mehovića i njegovog branioca, advokata Senada Krehe, dana 26.08.2015. godine, donio je i javno objavio

P R E S U D U

Optuženi:

HAKIJA MEHOVIĆ, sin Raše i majke Džemile, rođene Rastoder, rođen 25.04.1961. godine u mjestu Bor, opština Ivangrad, R. Crna Gora, po narodnosti ..., državljanin ..., po zanimanju ugostitelj, otac troje djece, jedno mlb., slabog imovnog stanja, JMBG: ..., nastanjen u ul. Paljevska br. 45., Rječica, Novi Grad, Sarajevo, osuđivan

K R I V J E

Što je:

Kao pripadnik pristupio grupi za organizovani kriminal koju je u smislu člana 1. stav 20. KZ BiH, u periodu od mjeseca jula do polovine decembra 2014. godine organizovao i kojom je rukovodio A.L. a kojoj grupi za organizovani kriminal su kao pripadnici pristupili i A.E.,

N.M., N.P., V.M., V.D. i druge njima poznate osobe, među kojima J.G., M.H., Z.S., V.V., J.S., D.J., osoba po imenu „A“, osoba po imenu „N“ koja grupa je organizovana radi neovlaštene međunarodne kupoprodaje, prijenosa, prevoza, držanja, posredovanja u daljnjoj međunarodnoj prodaji, uvoza i izvoza, slanja i isporuke opojne droge „heroin“ i „skank“, koje opojne droge su *Konvencijom o psihotropnim supstancama od 1971. godine i Rješenjem o popisu općinih droga ("Službeni list R BiH" br. 2/92 i 13/94)* proglašene opojnim drogama i čiji se promet može obavljati samo na temelju dozvole nadležnog organa u skladu sa *Zakonom o proizvodnji i prometu općinih droga ("Službeni list RBiH" br. 2/92 i 13/94)* i čiji je promet zabranjen odredbama *Zakona o sprječavanju i suzbijanju zloupotrebe općinih droga ("Službeni glasnik BiH" broj 8/06)* sa područja R. Makedonije, R. Srbije i Kosova na područje BiH, kao i sa područja BiH u R. Srbiju, pa su u BiH opojnu drogu „heroin“ miješali sa odgovarajućim supstancama radi uvećanja njene mase, te nakon toga prodavali navedene opojne droge kako na teritoriji BiH tako i na teritoriji R. Srbije njima poznatim osobama, pa je tako grupa za organizovani kriminal, vršila naprijed pobrojane radnje, i to tako što je:

1. / tačka 6. optužnice / HAKIJA MEHOVIĆ

/ zajedno sa A.L., N.M., N.P., D.J. i drugim njima poznatim osobama/

U mjesecu decembru 2014. godine A.L. organizovao promet, prevoz i distribuciju opojne droge „skank“ na način da je M.N. dana 06.12.2014.god. opojnu drogu „skank“, koju su nabavili na način opisan u tački 1. optužnice i koju je dana 16.11.2014. godine na dalje čuvanje A.L. predao N.P. u ukupnoj količini od 1,5 kg koji je istu držao u svojoj garaži u mjestu Lješevu - opština Ilijaš, N.P. dao uputu da pripremi količinu od 500 g predmetne opojne droge i istu preda M.N., koji je opojnu drogu preuzeo ispred njegove auto - mehaničarske radionice u mjestu Lješevu - opština Ilijaš, koju opojnu drogu je M.N. potom stavio u svoje vozilo i prema ranijem međusobnom dogovoru sa Hakijom Mehovićem, otišao ispred ugostiteljskog objekta „Dolina Mira“ u mjestu Rječica, gdje mu je iz svog pmv-a „Golf A3“ sive boje predao opojnu drogu i preuzeo novac od istog, te se potom vratio u pravcu Sarajeva radi predaje novca A.L., da bi potom u ugostiteljski objekat „Dolina mira“ došao D.J. iz Tuzle pmv-om „Fiat Punto“ bijele boje, reg.oznaka E98-M-575, kojem je Hakija Mehović predao preuzetu opojnu drogu „skank“, te se potom D.J. vratio svojim pmv-om u pravcu Tuzle gdje je od strane policijskih službenika MUP-a Tuzlanskog kantona lišen slobode jer je kod istog kontrolom vozila pronađeno i

privremeno oduzeto 514,56 grama opojne droge „skank“.

Dakle, u cilju sticanja protivpravne imovinske koristi, postao pripadnik grupe za organizovani kriminal, te je kao pripadnik iste učestvovao u radnjama opisanim u tački 1. izreke presude /tačka 6. optužnice/ radi dalje neovlaštene međunarodne kupoprodaje, prijenosa, prevoza, uvoza i izvoza opojne droge

Čime je počinio krivično djelo Organizovani kriminal iz člana 250. stav 2. KZ BiH u vezi sa krivičnim djelom Neovlašteni promet opojnim drogama iz člana 195. stav 1. KZ BiH.

Pa ga Sud, na osnovu navedenih zakonskih propisa, te odredaba sporazuma o priznanju krivice, uz primjenu odredaba članova 39., 42., 49. i 50. stav 1. tačka b. KZ BiH

OSUĐUJE

NA KAZNU ZATVORA U TRAJANJU OD 2 /DVIJE/ GODINE I 5 /PET/ MJESECI

Na osnovu člana 56. KZ BiH, optuženom se u izrečenu kaznu zatvora ima uračunati vrijeme provedeno u pritvoru i to od 11.12.2014. godine pa do 27.05.2015. godine.

Na osnovu člana 74. KZ BiH, od optuženog se oduzimaju predmeti koji su korišteni u izvršenju krivičnog djela i to: mobilni telefon marke “Nokia”, sive boje, IMEI broja: 351505042046535 sa SIM karticom korisničkog broja 061/255-029; dva mobilna telefon marke “Nokia”, sive boje, bez serijskih brojeva i baterije; mobilni telefon marke “Nokia” IMEI broja: 352942028875620; mobilni telefon marke “Samsung” IMEI broja: 359915016541159; mobilni telefon marke “Samsung” IMEI broja: 353294025965106; mobilni telefon marke “Nokia” IMEI broja: 353253056790015; SIM kartica “Ultra” broja 8938761000325450791 i SIM kartica “Frend” broja 89387051302262919981 i mobilni telefon marke “Nokia” bez baterije, IMEI broja 355365000726172 privremeno oduzeti po Potvrdi o privremenom oduzimanju predmeta Državne agencije za istrage i zaštitu broj: 16-04/2-55/14 od 11.12.2014. godine a koji će se po pravosnažnosti presude uništiti.

Na osnovu člana 188. stav 4. Zakona o krivičnom postupku BiH, optuženi se oslobađa dužnosti naknade troškova krivičnog postupka pa isti padaju na teret budžetskih sredstava Suda.

O b r a z l o Ź e n j e

1. OptuŹba

TuŹilaštvo BiH je dana 05.05.2015. godine, podiglo optuŹnicu broj: T20 0 KTO 0008636 14 kojom je, između ostalih, optuŹilo Hakiju Mehovića za izvršenje krivičnog djela organizovani kriminal iz člana 250. stav 2. KZ BiH u vezi sa krivičnim djelom neovlašteni promet opojnim drogama iz člana 195. stav 1. KZ BiH.

Na ročištu za izjašnjenje o krivici održanom dana 05.06.2015. godine, optuŹeni se izjasnio da nije kriv za izvršenje predmetnog krivičnog djela, nakon čega je predmet upućen sudećem vijeću radi zakazivanja glavnog pretresa.

2. Sporazum o priznanju krivice

Nakon što je u ovom postupku započeo glavni pretres, Sudu je dana 16.07.2015. godine, dostavljen sporazum o priznanju krivice zaključen istog dana između optuŹenog Hakije Mehovića i njegovog branioca, advokata Senada Kreha s jedne, i TuŹilaštva BiH, s druge strane. Navedenim sporazumom, optuŹeni Hakija Mehović priznaje krivicu za izvršenje krivičnopravnih radnji opisanih u tački 6. navedene optuŹnice a koje su pravno kvalifikovane kao krivično djelo organizovani kriminal iz člana 250. stav 2. KZ BiH u vezi sa krivičnim djelom neovlašteni promet opojnim drogama iz člana 195. stav 1. KZ BiH. OptuŹeni sporazumom prihvata da mu se za počinjenje navedenog krivičnog djela izrekne kazna zatvora u trajanju od 2,5 /dvijeipo/ godine.

3. Razmatranje sporazuma o priznanju krivice

Na ročištu za razmatranje sporazuma o priznanju krivice održanom dana 26.08.2015. godine, tuŹilac je obavijestio sudeće Vijeće da je prilikom izrade pismenog sporazuma o priznanju krivice od 16.07.2015. godine, došlo do dvije tehničke greške te da u tački II navedenog sporazuma umjesto "Hakija Mahović" treba da stoji "Hakija Mehović" a da u tački III sporazuma umjesto "da se optuŹenom Hakiji Mehoviću utvrdi i izrekne kazna zatvora od 2,5 /dvijeipo/ godine" treba da stoji "da se optuŹenom Hakiji Mehoviću

utvrdi i izrekne kazna zatvora u trajanju od 2 /dvije/ godine i 5 /pet/ mjeseci”.

Na istom ročištu, Sud je provjerio i utvrdio, u smislu odredbe člana 231. Zakona o krivičnom postupku BiH, da je do zaključenja sporazuma došlo dobrovoljno, svjesno i sa razumijevanjem, da je optuženi upoznat sa mogućim posljedicama zaključenja sporazuma, da se time odriče prava na suđenje i da ne može uložiti žalbu na krivičnopravnu sankciju, uključujući i posljedice vezane za troškove krivičnog postupka. Ispitano je i da li je predložena krivičnopravna sankcija u skladu sa odredbama stava 3. člana 231. ZKP BiH.

Prilikom odlučivanja Sud je zaključio da je optuženi razumio da se sporazumom odriče prava na suđenje. Optuženi je pregovarao o krivici sa Tužilaštvom BiH u prisustvu svog branioca, tako da je imao adekvatnu pravnu pomoć. Pored toga, optuženi je pred Sudom nedvosmisleno potvrdio da je upoznat sa svim zakonskim posljedicama zaključenja sporazuma koje su mu od strane Suda neposredno predočene.

Razmatrajući navedeni sporazum, a nakon što je utvrdio da postoji dovoljno dokaza o krivici optuženog, Sud je prihvatio sporazum o priznanju krivice.

4. Dokazni standard

Standard "dovoljno dokaza", koji zakonodavac propisuje kao uslov za prihvatanje sporazuma, Sud je utvrdio na osnovu priznanja optuženog i dokaza uložениh na ročištu za razmatranje sporazuma (dokazi nabrojani u anex-u koji je sastavni dio presude), a koji su obrazloženi od strane Tužilaštva BiH i na koje odbrana nije imala prigovora.

5. Krivična sankcija

Nakon ocjene svih činjenica i okolnosti koje su odbrana i tužilac iznijeli i obrazložili na ročištu za izricanje krivičnopravne sankcije, Sud je prihvatio sporazumom dogovorenu krivičnopravnu sankciju.

Prihvativši prijedlog iz sporazuma, Sud je optuženog osudio na kaznu zatvora u trajanju od po 2 /dvije/ godine i 5 /pet/ mjeseci, našavši da je izrečena kazna zatvora

srazmjerna težini počinjenog krivičnog djela i stepenu krivične odgovornosti optuženog, te da će se istom ostvariti svrha kažnjavanja na način da se utiče na optuženog da ubuduće ne čini krivična djela (specijalna prevencija), te da se utiče i na ostale da ne čine krivična djela (generalna prevencija), uz uvjerenje da će ista imati uticaj i na svijest građana o društvenoj opasnosti krivičnih djela i o pravednosti kažnjavanja učinilaca.

Od olakšavajućih okolnosti na strani optuženog, Sud je cijenio prije svega iskreno priznanje i izraženo kajanje zbog izvršenja krivičnog djela, da je priznanjem krivice i zaključivanjem sporazuma sa Tužilaštvom BiH u ranijoj fazi postupka optuženi doprinio bržem i efikasnijem okončanju predmetnog krivičnog postupka na koji način je ispoštovano i načelo ekonomičnosti, ali ne na štetu pravilnosti i zakonitosti odluke. Sud je kao olakšavajuće cijenio i okolnosti da je optuženi porodičan čovjek, da je otac troje djece od kojih je jedno maloljetno, da je nazaposlen i lošeg imovnog stanja. Sud smatra da olakšavajuće okolnosti na strani optuženog u svojoj sveukupnosti ispunjavaju standard „*naročito olakšavajućih*“ i daju osnov za zaključak da će se u konkretnom slučaju i s ublaženom kaznom zatvora postići svrha kažnjavanja. Kao otežavajuću, Sud je cijenio okolnost da je optuženi i ranije osuđivan, pritom zbog istog krivičnog djela.

6. Uračunavanje pritvora u izrečenu kaznu

U skladu sa članom 56. KZ BiH, Sud je optuženom Hakiji Mehoviću u izrečenu kaznu zatvora uračunao vrijeme provedeno u pritvoru i to od 11.12.2014. godine do 27.05.2015. godine.

7. Odluka o oduzimanju predmeta

S obzirom na obaveznu primjenu mjere bezbjednosti oduzimanja predmeta iz člana 74. KZ BiH, Sud je od optuženog Hakije Mehovića trajno oduzeo predmete privremeno oduzete po Potvrdi o privremenom oduzimanju predmeta Državne agencije za istrage i zaštitu broj: 16-04/2-55/14 od 11.12.2014. godine i to: mobilni telefon marke “Nokia”, sive boje, IMEI broja: 351505042046535 sa SIM karticom korisničkog broja 061/255-029; dva mobilna telefon marke “Nokia”, sive boje, bez serijskih brojeva i baterije; mobilni telefon marke “Nokia” IMEI broja: 352942028875620; mobilni telefon marke “Samsung” IMEI broja:

359915016541159; mobilni telefon marke "Samsung" IMEI broja: 353294025965106; mobilni telefon marke "Nokia" IMEI broja: 353253056790015; SIM kartica "Ultra" broja 8938761000325450791 i SIM kartica "Frend" broja 89387051302262919981 i mobilni telefon marke "Nokia" bez baterije, IMEI broja 355365000726172, a koji predmeti su upotrijebljeni u izvršenju krivičnog djela i koji će se po pravosnažnosti presude uništiti.

8. Troškovi krivičnog postupka

Na osnovu člana 188. stav 4. Zakona o krivičnom postupku BiH Sud je optuženog oslobodio dužnosti naknade troškova krivičnog postupka, iz razloga što bi njihovim plaćanjem, obzirom da je optuženi nezaposlen i lošeg imovnog stanja te da se nalazi na izdržavanju kazne zatvora u trajanju od 5 /pet/ godina i 10 /deset/ mjeseci, egzistencija optuženog i lica koje je dužan izdržavati bila dovedena u pitanje.

Zapisničar
Pravni savjetnik-asistent
Jelena Simić-Skoko

PREDSJEDNIK VIJEĆA
SUDIJA
Tatjana Kosović

POUKA O PRAVNOM LIJEKU: Protiv ove presude nije dozvoljena žalba na izrečenu krivičnopravnu sankciju, dok se iz drugih razloga žalba može podnijeti u roku od 15 dana od dana dostavljanja pismenog otpravka presude, Apelacionom odjeljenju ovog Suda. Žalba se podnosi u dovoljnom broju primjeraka.

ANEX

Naredba Suda BiH broj: S1 2 K 016635 14 Krn 24 od 09.12.2014. godine za pretres osumnjičenog Mehović Hakija uz: Izvještaj Državne agencije za istrage i zaštitu broj: P-

16-04/2-04-1-424 /14-44 od 11.12.2014. godine, Zapisnik o pretresanju stana, drugih prostorija i pokretnih stvari Državne agencije za istrage i zaštitu broj: 16-04/2-44/14 od 11.12.2014. godine koje koristi Mehović Hakija, Zapisnik o pretresanju lica Mehović Hakije, Državne agencije za istrage i zaštitu broj: 16-04/2-54/14 od 11.12.2014. godine, Potvrda o privremenom oduzimanju predmeta Državne agencije za istrage i zaštitu broj: 16-04/2-55/14 od 11.12.2014. godine na ime Mehović Hakija, Potvrda o privremenom oduzimanju predmeta Državne agencije za istrage i zaštitu broj: 16-04/2-67/14 od 11.12.2014. godine na ime Mehović Hakija, Foto-dokumentacija Ministarstva bezbjednosti/sigurnosti, Državna agencija za istrage i zaštitu broj: 16-15/1-7-04-12/14 od 29.12.2014. godine, pretres kuće Mehović Hakije; Izvještaj o počinjenom krivičnom djelu i izvršiocima Državne agencije za istrage i zaštitu broj: P-16-04/2-04-1-424/14-KU-35/14-151/14 od 12.12.2014. godine sa prilogom Pregled prelaska granice BiH za period od 17. do 01.12.2014.godine; Naredba Suda BiH broj: S1 2 K 016635 14 Krn od 11.07.2014. godine; Naredba Suda BiH broj: S1 2 K 016635 14 Krn 3 od 18.07.2014. godine; Naredba Suda BiH broj: S1 2 K 016635 14 Krn 4 od 11.08.2014. godine; Naredba Suda BiH broj: S1 2 K 016635 14 Krn 6 od 27.08.2014. godine; Naredba Suda BiH broj: S1 2 K 016635 14 Krn 7 od 11.09.2014. godine; Naredba Suda BiH broj: S1 2 K 016635 14 Krn 8 od 17.09.2014. godine; Naredba Suda BiH broj: S1 2 K 016635 14 Krn 9 od 23.09.2014. godine; Naredba Suda BiH broj: S1 2 K 016635 14 Krn 10 od 25.09.2014. godine; Naredba Suda BiH broj: S1 2 K 016635 14 Krn 12 od 14.10.2014. godine; Naredba Suda BiH broj: S1 2 K 016635 14 Krn 13 od 22.10.2014. godine; Naredba Suda BiH broj: S1 2 K 016635 14 Krn 14 od 10.11.2014. godine; Naredba za provođenje posebne istražne radnje Državne agencije za istrage i zaštitu broj: P-16-04/2-04-1-424/14 od 17.11.2014. godine; Naredba Suda BiH broj: S1 2 K 016635 14 Krn 15 od 17.11.2014. godine; Naredba Suda BiH broj: S1 2 K 016635 14 Krn 16 od 18.11.2014. godine; Naredba Suda BiH broj: S1 2 K 016635 14 Krn 17 od 19.11.2014. godine; Naredba Suda BiH broj: S1 2 K 016635 14 Krn 19 od 28.11.2014. godine; Naredba Suda BiH broj: S1 2 K 016635 14 Krn 21 od 05.12.2014. godine; Naredba Suda BiH broj: S1 2 K 016635 14 Krn 22 od 09.12.2014. godine; Naredba Suda BiH broj: S1 2 K 016635 14 Krn 23 od 09.12.2014. godine; Naredba Suda BiH broj: S1 2 K 016635 14 Krn 31 od 24.12.2014. godine; Naredba Suda BiH broj: S1 2 K 016635 15 Krn 33 od 21.01.2015. godine; Pregled provođenja posebnih istražnih radnji za tačku 5. od 04.12.2014. godine uz jedan CD sa oznakom 5., Prevod – predmet „Oskar“ tačka 5. sudskog tumača za albanski jezik Aferdita Kalabić uz 1 CD-e sa oznakom „Oskar“ - tačka 5.; Izvještaj o postupanju po naredbi Suda BiH Državne agencije za istrage i zaštitu broj: P-16-10/2-04-1-424-129/14 od 08.12.2014. godine: 1 redigovan fco primjerak za odbranu i optužene i 1 neredigovan primjerak u zapečaćenoj koverti za Sud BiH; Izvještaj o postupanju po naredbi Suda BiH Državne agencije za istrage i zaštitu broj: P-16-08/2-1-04-1-424-50/14 od 18.09.2014. godine uz jedan CD-e: 1 redigovan fco primjerak za odbranu i optužene i 1 neredigovan primjerak u zapečaćenoj koverti za Sud BiH; Zapisnik o ispitivanju osumnjičenog Mehović Hakije Tužilaštva BiH broj: T 20 0 KTO 000 8636 14 od 29.12.2014. godine; Drugostepena Presuda ... protiv optuženog Hakije Mehovića; Zapisnik o ispitivanju osumnjičenog Planinčić Nermina Tužilaštva BiH broj: T 20 0 KTO 000 8636 14 od 11.12.2014. godine uz punomoć advokata; Zapisnik o ispitivanju osumnjičenog Planinčić Nermina Tužilaštva BiH broj: T 20 0 KTO 000 8636 14 od 02.02.2015. godine; Zapisnik o saslušanju svjedoka Kujača Igora, Tužilaštvo BiH broj:

T 20 0 KTO 000 8636 14 od 08.04.2015. godine; Zapisnik o saslušanju svjedoka Vitković Marka, Tužilaštvo BiH broj: T 20 0 KTO 000 8636 14 od 27.03.2015. godine; Zapisnik o saslušanju svjedoka „A“, Tužilaštvo BiH broj: T20 0 KTO 0008636 14 od 16.02.2015. godine: 1 redigovan fco primjerak za odbranu i optužene; Zapisnik o saslušanju svjedoka Jašić Denisa Tužilaštva BiH broj: T 20 0 KTO 000 8636 14 od 23.01.2015. godine; Zapisnik o saslušanju svjedoka Mirze Mehmedovića Državne agencije za istrage i zaštitu broj: 16-04/2-151/15 od 16.12.2014. godine; Zapisnik o saslušanju svjedoka Buturović Adisa Državne agencije za istrage i zaštitu broj: P-16-04/2-15/15 od 04.02.2015. godine, Nalaz biljne materije, FBiH - Tuzlanski kanton, Ministarstvo unutrašnjih poslova, Sektor kriminalističke policije broj: 08-05/3-8-04.6-1-3865/14 od 08.12.2014. godine sa Dopisom Kantonalnog tužilaštva TK broj T03 0 KT 0044902 14 od 10.02.2015.godine; Nalaz i mišljenje hemijskog vještačenja, Federalna uprava policije, Centar za forenzičku i informatičku podršku Sarajevo broj: 10-15/2-04-5-2598 od 04.05.2015. godine; Naredba za hemijsko vještačenje Tužilaštva BiH broj T20 0 KTO 0008636 14 od 28.04.2015. godine; Izvještaj o vještačenju dokaznog materijala (laptop, SIM kartice i mobiteli) Državna agencija za istrage i zaštitu broj I-16-10/2-04-1-424-269/14 od 15.04.2015.god. sa prilogom: 5 CD-ova i vještačeni dokazni materijal, Naredba za vještačenje mobilnih telefona, telefonskih SIM kartica i ostalih uređaja Tužilaštva BiH broj: T 20 0 KTO 000 8636 14 od 26.12.2014. godine

Anex je sastavni dio presude.